

## Transkription von Stadtbucheintrag KIL 1490d

Ort, Datierung: Kiel, 1490-??-??

Signatur: Stadtarchiv Kiel, Das Erbebuch 1411-1604, S. 132/a

Inhalt: Reyman Rosen: Erbenspruch; Clawes Thouvere: Erbenspruch; Hartog Hassen:  
Erbanspruch; Ludere Mynrick: Erbenspruch

---

Anno (et cetera) xc<sup>o</sup>

Dath erue belegen twusken dem(e) fle(m)mesken vnnd(e) Schomaker(en) / dor(e) dath aldusz langhe hefft ghehoret hinrick kolleman / vnnd(e) syne(n) erue(n) horet nu quidt vnnd(e) vryg Reyman(n) Rose(n)/lacher(e) vnnd(e) syne(n) erue(n) mydt allem(e) rechte vrygheyden szo dath / mydt syne(n) endescheden belegen ysz vnnd(e) hinrick gnant(er) vn(n)d(e) / syne vorvar(e)n vrygest beseten hebben de renthe vint In / dem(e) pantboke /

De ander(e) bode by der(e) muren twisken den fle(m)mesken vnnd(e) / Schomaker(en) dor(e) belegen de aldusz hefft gehort den swar(e)n / vnnd(e) vorstender(e)n tho sunte Nicolaus kerken bynne(n) dem(e) kyle / horet nu quidt vnnd(e) vryg Clawes Thouer(e) vnnd(e) syne(n) erue(n) / mydt allem(e) rechte vrygheyden szo dath mydt syne(n) ende/scheden belegen ysz vnnd(e) de vorstendere vnnd(e) ere vor/var(e)n vryges beseten hebben de renthe vint me In dem(e) / pantboke /

Dath erue belegen In der(e) Schomaker(en)straten dath aldusz hefft / ghehoreth Baltasare(n) Merkel vnnd(e) syne(n) erue(n) horeth nu quidt / vnnd(e) vryg hartog hassen vnnd(e) syne(n) erue(n) mydt allem(e) rechte / vrygheyden szo dath mydt syne(n) endescheden belegen ysz vnnd(e) / baltasar(e) vorbenom(ed) vnnd(e) syne vorvar(e)n vrygest beseten hebben / welk he hefft ghekrege vnnd(e) anghename(n) In eyne(n) brut/schadt myner(e) synes eliken vrowe(n) wiben de renthe vint / me In dem(e) pantboke /

Dath erue belegen In der(e) Schomaker(en)straten dath aldusz hefft ghe/horet Jaspar(e) Schulten vnnd(e) syne(n) erue(n) horeth nu quidt vn(n)d(e) vryg / luder(e) mynrick dem(e) Borgemester(e) vn(n)d(e) syne(n) erue(n) mydt allem(e) rechte / vrygheyden szo dath mydt syne(n) endescheden belegen ysz vn(n)d(e) Jaspar(e) / vnnd(e) syne eruen vn(n)d(e) syne vorvar(e)n vrygest beseten hebben <sup>1</sup>

---

<sup>1</sup>Text im Original durchgestrichen